

Ո Ր Ո Շ ՈՒ Մ

Վարչական իրավախախտման գործով գանգատն առանց
քավարարման, իսկ որոշումն անփոփոխ թողնելու մասին

17-2-32937


17-11-17

ք.Երևան

16.11.2017թ.

Ճանապարհային ոստիկանության պետ, ոստիկանության գնդապետ Եգոր
Կարապետյան, վերանայելով ՀՀ ոստիկանության ճանապարհային ոստիկանության ՕԿԿ
ավագ տեսուչ, ոստիկանության մայոր Ե.Ալեքսանյանի գեկուցագրի շուրջ ստեղծված
նյութերը,

Պ Ա Ր Զ Ե Ց Ի



2017թ. նոյեմբերի 13-ին ճանապարհային ոստիկանության քարտուղարություն է
մուտքագրվել Ա.Լորեցյանի ահազանգի վերաբերյալ գեկուցագիրը, որում նշված է, որ վերջինս
2017թ. նոյեմբերի 12-ին ժամը 18.43-ին ՀՀ ոստիկանության Երևան քաղաքի վարչության ՕԿԿ
ահազանգել է այն մասին, որ իր նկատմամբ 1160 կողային համարանիշով ճՈ ծառայողական
ավտոմոբիլով ծառայություն իրականացնող տեսուչները թույլ են տվել անօրինականություն և
կազմել ՎԻՎ արձանագրություն՝ վարելու ընթացքում հեռախոսակապից օգտվելու համար,
ինչը ինքը թույլ չի տվել:

Ահազանգի շուրջ ստեղծված նյութերի ուսումնասիրությամբ պարզվել է, որ 12.11.2017թ.
ժամը 17.40-ին Երևան քաղաքի Կոմիտասի պողոտայում քաղ.Ա.Լորեցյանի կողմից վարած
«Մերսեդես» մակնիշի 34 ZD 427 հաշվառման համարանիշի ավտոմոբիլը կանգնեցվել է
ճանապարհային ոստիկանության ՃՊԾ 1-ին սպայական գումարտակի 3-րդ սպայական
դասակի ավագ տեսուչ, ոստիկանության ավագ լեյտենանտ Վ.Պողոսյանի և նույն դասակի
տեսուչ, ոստիկանության ավագ լեյտենանտ Հ.Մինասյանի կողմից ճԵԱԱՄՕ-ի խախտման
համար, այն է՝ վարորդն ավտոմոբիլը վարելու ընթացքում օգտվել է հեռախոսակապից՝ ձեռքի
օգնությամբ: Վարորդի նկատմամբ կազմվել է վարչական իրավախախտման վերաբերյալ
արձանագրություն և, համաձայն ՀՀ ՎԻՎ օրենսգրքի 124 հոդվածի 11-րդ մասի, կայացվել է ԱԴ
թիվ 421368 որոշումը՝ 5000 դրամ տուգանելու մասին:

Ձեկուցագրում նշված հանգամանքների շուրջ պարզաբանումներ տալու նպատակով
14.11.2017թ. ժամը 15.20-ին հեռախոսակապ է հաստատվել քաղ.Ա.Լորեցյանի հետ: Վերջինս
հայտնել է, որ կներկայանա 15.11.2017թ. ժամը 09.00-ից մինչև 11.00 ընկած
ժամանակահատվածում: 15.11.2017թ. ժամը 14.14-ին կրկին հեռախոսակապ է հաստատվել
քաղ.Ա.Լորեցյանի հետ, սակայն վերջինս հայտնել է, որ չի ներկայանա, խնդրել է ահազանգը
քննարկել իր բացակայությամբ և արդյունքների մասին հայտնել գրավոր՝ քաղ.Երևան
Պ.Սևակի փ. 1/182. 13բն հասցեով: Քաղ.Ա.Լորեցյանը հայտնել է նաև, որ հեռախոսագրույցը
ծայնագրվում է իր կողմից:

Ըստ ծառայողների գրավոր բացատրությունների՝ Կոմիտասի պողոտայի և Վրացական
փողոցի խաչմերուկում նկատել են, որ իրենց առջևից երթևեկող «Մերսեդես» մակնիշի 34 ZD
427 հաշվառման համարանիշի ավտոմոբիլի վարորդը երթևեկելիս օգտվում էր
հեռախոսակապից ձեռքի օգնությամբ: Վ.Պողոսյանը և Հ.Մինասյանը հայտնել են նաև, որ
Ա.Լորեցյանի կողմից թույլ տված իրավախախտումն եղել է իրենց տեսադաշտում և ակնհայտ:

... և պահանջել փաստաթղթերը: Վարորդը չի ընդունել իր կողմից
... թույլ տալու փաստը, պատճառաբանելով, որ չի օգտվել հեռախոսակապից,
... ընդամենը ձեռքն է եղել ականջի հատվածում, հրաժարվել է փաստաթուղթ
ներկայացնելուց, հայտնելով, որ բացակայում են համապատասխան ապացույցները: Ինչից
հետո նշված վայր են մոտեցել ՊՊԾ աշխատակիցները, վարորդը հայտնել է, որ
զանգահարում է «1-02» հեռախոսահամարին և փակել իր ավտոմոբիլի ապակիները: Որոշ
ժամանակ անց, վերջինս դուրս է եկել ավտոմոբիլից և ներկայացրել փաստաթղթերը:
Համապատասխան արձանագրություն կազմելուց հետո քաղ.Ա.Լորեցյանը ծանոթացել է
արձանագրության բովանդակությանը, նշել իր անհամաձայնությունը և ստանալով որոշման
իր օրինակն ու փաստաթղթերը՝ հեռացել է:

Համաձայն «Ճանապարհային երթևեկության անվտանգության ապահովման մասին» ՀՀ
օրենքի 17-րդ հոդվածի՝ ճանապարհային ոստիկանության ծառայողը պարտավոր է
տրանսպորտային միջոցը կանգնեցնել, եթե ակնհայտ կամ տեխնիկական միջոցների
օգտագործմամբ երևում է, որ վարորդը խախտել է ճանապարհային երթևեկության կանոնների
պահանջները: Նույն հոդվածի 8-րդ մասի համաձայն՝ երթևեկության սահմանված
արագության գերազանցման և տրանսպորտային միջոցների ապակիների
լուսաթափանցելիության սահմանված չափի խախտումների համար պատասխանատվություն
է առաջացնում, երբ տվյալ խախտումը փաստարկված է համապատասխան տեխնիկական
միջոցների կիրառմամբ:

Այսպիսով, քաղ.Ա.Լորեցյանի արարքում առկա է վարչական իրավախախտումների
վերաբերյալ ՀՀ օրենսգրքի 124-րդ հոդվածի 11-րդ մասով նախատեսված իրավախախտման
զանգակազմը, ուստի ելնելով վերոգրյալից և ղեկավարվելով վարչական
իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Արթուր Լորեցյանի ահազանգը թողնել առանց բավարարման, իսկ ճանապարհային
ոստիկանության ՃՊԾ 1-ին սպայական գումարտակի 3-րդ սպայական դասակի տեսուչ,
ոստիկանության ավագ լեյտենանտ Հ.Մինասյանի կազմած վարչական իրավախախտման
վերաբերյալ արձանագրության հիման վրա 12.11.2017թ. կայացված ԱԴ թիվ 421368
որոշումը՝ Արթուր Լորեցյանին հինգ հազար դրամ տուգանելու մասին՝ անփոփոխ:
2. Սույն որոշման օրինակներն ուղարկել ճանապարհային ոստիկանության ՎԳ բաժանմունք
և դիմումատուին իր կողմից հայտնած քաղ.Երևան Պ.Սևակի փ. 1/182. 13բն. հասցեով:
3. Սույն որոշումը կարող է բողոքարկվել ՀՀ վարչական դատարան՝ օրենքով սահմանված
կարգով և ժամկետներում:



Ե.Կարապետյան